

726 Vür die küneginne man dô truoc
daz trinken. trunken si genuoc,
die rîter unt die vrouwen gar,
si wurden deste baz gevar.

5 Man truog ouch trinken dort hin ïn
Artus unde Brandelidelin.
der schenke gienc her wider dan;
Artus sîne rede alsus huob an:
»hêr künec, nû lât siz alsô tuon,
10 daz der künec, iwerre swester sun,
mîner swester sun mir het erslagen.
wolt er denne minne tragen
gein mîner niftel, der magt,
diu im ir kumber ouch dort klagt,
15 dâ wir si liezen sitzen,
vüere si denne mit witzen,
si würde im nimmer drumbe holt
unt teilte im solhen hazzes solt,
dêns den künec möhete erdriezen,
20 wolt er ir iht geniezen.
swâ haz die minne undervert,
dem stætem herzen vreude er wert.«
Dô sprach der künec von Punturtoys
zArtuse dem Bertenoys:
25 »hêrre, si sint unsrer swester kint,
die gein ein ander in hazze sint;
wir sulen den kampf understân.
dâne mac niht anders an ergên,
wan daz si ein ander minnen
30 mit herzenlîchen sinnen.

dô om. *G *T

dort om. *G

sun mir (om. Z) het e., *G (ohne Fr20) sun habe ([*]: mir hette V) e., *T
unde wolde *G (*T)
g. sîner (miner Fr20) swester, der (die Z [s*]: dirre Fr20) maget, *G

im drumbe nimmer h. (om. Fr20) *G (ohne ZFr24) (*T) (nur U)
hazzes solichen *T

iht om. *T

h. ez (ist I) vröude w.« *G (*T)
künic ûz Ponturteis *G (ohne I)

den haz understân. *T (L Fr24)

ane ergân *T

si om. *T (nur U)

mit herzen unde (vnd auch I) mit s. *G *T

*D: D *m: m Fr69 (726.1–3 und 9–14) *G: G I L Z Fr20 Fr24 *T: U V

1 Initiale D 5 Majuskel D 9 Initiale Fr24 17 Initiale G I L Z 21 Initiale U 23 Majuskel D

7 her wider] hin wider *m hin I 9 »hêr künic, nû lât daz alsô sîn ([*er]: Her kўnig nv [*]: lant súus also tvn V), *m (V) 10 daz iuwer neve den neven mîn ([*]: Daz der kўnig uwer swester svn V) *m (V) 11 in einem kreize habe erslagen. *m 19 dêns in möhete verdriezen, *m · möhete] mohte D 22 er] ez *m 28 dan ez mac niht anders ergân, *m